

Evesumu Vichavamyujura Catera

Pávurubay muchuveda

¹ Ray Pávuru, rañicha Jesucrístu nusubyi Judenu jtedamuju, jiryimuju saju jiintyasavay jiryatij Evésumu vichavay jirye, jiryatij jiryevyichasara Jesucrístu vatadamu day, samiy siityevay saju variy jirye. ² Jiryajmutyara samirya vichada Vujye Judenumusiy, Vuyntyityu Jesucrístumusiy jarye, jiryatij jiryimutya simusirya jiryejyuuchuveda ramityadedaju.

Vuryimutyajayasara Crístumusirya rajuura samirya vichasara vuryinuyada jiyadaju

³ Junareju jchanatyasi savichasara Vujye Judenu, jiryatij Vuyntyityu Jesucrístu jañi, niday sachara varintyirya rajuura samirya vichasara vuryinuyada jiyadajuntiy, Vuyntyityu Jesús musintyi, jarichuvimu, diyemusidyerya titaju vujyu darya. ⁴ Daryamusiñiday sajaryetada Crístumuju vuy, netimyu ne sundejadara mucadi variy didye, vuryatidye vichasara jiintyevye saju, ne vacha niquesara rachasara sadiya vuñijyu nūday.

⁵ Sadirya vatadamusiy yiteda: Rajmutya sitenu radyedyeñuju jirye, Jesucrístumusiy sajachipiyajada daryá, jidyirya niruyadamuju.

⁶ Ramuniday vuryajchanatyani Judenu samirya sayadiva, jiryatij sadirya niruyadata jichedyevyuy, jiryatij jaryi savatasavay daryaju

Jesucrístumusidyevyuy. ⁷ Jesucrístu jiryinuy murichedoda yindajata vujyuuchveda jiyadaju, saramityaniy Judenu variy vuryivara, jiryatij jaryi samiryamu saniruyadata jichevyuy. ⁸ Sasayada jaryivyaju vujyura jidyetyada titaju, samirya jachipiyajada jarye titaju risaju. ⁹ Sadytanunuyada vurya jivyatara, jiryatij dutyasara ravichanuyada tavajyu, jvadicharaday sajachipiyajada jvaayadara jijechara jidyirya Crístumu. ¹⁰ Sajachipiyajada jvaayadara ranumatiy jutí sitotadeda runda, jasityidye sabay Crístu nusuyadaju titajura jiryatij navay jarichumu darya, mucadiva vichara jarye titaju risaju. ¹¹ Simusidye riryajmutya titaju Crístu siityarivantyirya jiyaruryantij jiryatij sabayada Judenu rijyu darya. Sadyra jachipiyajadata jibeyada daryajura jidyirya jvaaryuyada. ¹² Darya sivaay jidyirya darya, ratidye danuya jaryi vanda suru, jiryatij riichanatyada nijyanvay nunchirya, jiryatij munatya nuñi nutuyada sajiju vuryeyada ráñu Crístu. ¹³ Jirye jaryentij, jiryetyuvachodanumatirya sitenu tuchoda sanijyu, jiryatij samituchoda darya, ramusiñiday vudyetyara Judenu jantyutyada. Jiryetyuvachodanumatiy variy simu, sabayada yintuta jijyu variy jirye, darya niday suteda variy: Rajpani rintu ribivaju jiryimujuntij. ¹⁴ Jiryatij sasayada Yintu vuy, vudyetya jita ramusiy vuryajmutyara jantyutyada Judenumusiy, riryatidye jchanatya nijyanvay variñi Vuryindenu, rajasay jaryi vanda suru variy.

Pávurubay jachiñuyada Judenuvara datyada Crístu siityarivajyu

15-16 Ramuníday, ratyuvachodanumatiy ranchiy jiryetyuvachoda simu Vuyntyityu Jesús, títaju jiryevyatadanchiy jarye riñijyu títaju Judenu siityarivajyuu, ne rapyaruy riva jchanatyadani Judenu jiryeñijyu, jasidye rajechipityaja Judenujsa tuchodamu jirye. 17 Rajechiñuy siva Judenu, Vuyntyityu Jesucrístu jay, nítij vichasara vandamu, satidye say Yintu jirye, simusityi jiryecha jaryi datyavay, jiryatij sadityanu jiryeñi Jesús, jiryatidye datya sitenuni. 18 Rajechiñuy jiryejadaju, sanononurya jiryejechiy datyada, jiryatidye datyara tarajiju jiryentuchara, jiryatij sabayada Judenu jiryejyu darya, ta jaryi taratavay jiryechate jasiy jiryatij jiryimutyara jiberya vandamu rusa títaju sasiityarivajyuu. 19 Rajechiñuntij jiryatidye datya ne ti saradoda sarara sadatyadoda, jiryatij simu tuvachuvamyu darya, ratatij sivaachara jaryi jivyanuyadata darya. 20 Darya savanuyadataday jimysadedani Crístu diibyimusintij, samasadedajita yintyityudamyuju jarichuvimuni. 21 Vujye Judenu bayadani Crístu títaju bayantuvedanchaju, jiryatij rutachara jaryi vanuvyeyu, datyavay jarye, títaju jirya mucadiva vichavay jiryatij rutay daryaju nutyityumiyu, nusuyadacanumij daryajuriy. Títaju jirya jiyadaju sasañi Crístu jaryi datyadaju, dantyamuy ne vinu diye vichavajyu, rusij vichavajyuntij. 22-23 Sabayadama Judenura títaju Crístu numutu jaridye. Ramuníday sabayadani Crístu jamu

nutyityuju, títaju sasiityarivajyuu nutyityuju jarye, jiryatíy riñicha savu nta variy. Savutanuma títaju yitotadedayu, nítíy datyadarya mityamusiy jtotadeda títaju tara day.

2

Santyutyada Crístu jivyatadamuju vuy

¹⁻² Jirye jerye vichanuyada diibyimiy Judenu diya jiryejyuuchuvediva. Jiryevyichanuyada variy juuchataway jiryatíy jiryechiityarínuyadara vacha vichada títaju daryaju. Jiryevyichanuyada variy bayantu nutyityumu tuvachuvay, bayantu rapuy nítíy vanutyada riy rityimyu ne tuvachuruy simu Vujye Judenu. ³ Títaju nujerye vichanuyada tariy ramuntiy. Nudyivaañnyadara daryatíy nudyivaaryuy, nuvyu vatara jarye, nujechiy vatadamu jaryentiy. Ramuniday nuvyichanuyada variy parutisavay Judenu jtedamuju, nutyu tavay nijyanvatyi títaju darya. ⁴⁻⁵ Judenu jita nítíy jaryi jantyutyara, jiryatíy savatada jaryi jivyatadamu vuy, dañuma vuñichanuyada diibyimiy vujyuuchuvediva, Crístu jsaju sasayada jamuca jnyadaju varivyuy. Saniruyadamu jirye yada variy vuryeyadaju. ⁶⁻⁷ Samisadeda Judenu Jesucrístu jsaju vuy, samasadeda jarichumu sisaju varintyivyuy, satidye dityanujayasara junare sarajura jaryi yentyutyada, jiryatíy jaryi samirya jachityi savichasara daryaju vuñijyu Jesucrístumusi. ⁸ Vinu santyutyadamusi vuryamitya mityara vujyuuchveda murichirya, jiryatíy vutyuvachoda simu. Vutyuvachoda

jítantiy ne vudyirya tuvachoda darya; Judenumusiñuma ranicha títaju day. ⁹ Ne vucyanay vuryivaayadatara, vuñuma jchanatya ranchivyuy. ¹⁰ Vuvyichasara daryaju sundebimiy jiryatiy sundejada Jesucristumu vuy, vuryatidye vichasara samiy jvaavye, darya sabayada jityaju vuryavichajayasara daryá samirya sadiya.

Vuvyichasara samivye Jesucristumu

¹¹ Ramuní jiryajachipityara nutyu jiryevyichanuyada munuñumiy Judíyuvada diya. Jiryatiy rutachara jmutyonusarara jivyu Judenunijyu, runuy jita jiryeñecho nutyu Judenu rrachúvay, jiryatimyu ne jmutyonusavay daryaju jiryedye. ¹² Variryundamu jiryevyichanuyada tajiñechoju Crístujisiy. Ne jiryevyichanuyada variy Judenu siityarivay tevamyi, dantyamuy ne jiryedyetyada didyerya Judenu jteda jiryeyada rayadaju didye. Jiryevyichanuyada mitya, ne jiryentuñuyada sajiju Judenu jirya vuryinuyada rundamu. ¹³ Diye jita Jesucristu batyeda nudajamusiy, satuudityaniy Judenu variy jirye, ripya daryaju jiryevyichanuyada sajisidye.

¹⁴⁻¹⁵ Sanicha jita Jesucristu samirya vuvyichadaju day, varidye santyeryadedara davichadajuy tavichadaquijuntiy, daryamusiy sapuyadara riñiqueyada jijequivyasiy, ramuniday rivyichanuyada ripya sajisiy. Sitotadeda Jesucristura Judenu jteda juuchuvada jiyadaju jivyumu, sabatyedamusiy. Suteda Judenu daryaju rajuura niquejadamusiy, nutyuramusiy vuryavichasara samiy, nutyuramusiy. Sabatyedamusiy jita yindejada Jesucristu

nì tìqui nijyamì yimu, jiryatìy sabayadara vuryatìdye vichajayasara samìrya mityiji.
¹⁶ Crusityasa batyedata saratyadoda mityijijyuri davichadajuy janvay Judenu diya, riryatìdye vichasara tìtaju nutyu tevajyuu nta variy. Rata jìta rabaryijada rimyityasiiyadayu.
¹⁷ Daryamusiy jìta sùdeda Crìstu samìrya tuchoda nacho, jiryatìdye tuvachu ranacho samituchoda, samiy vichada jarye, jiryatìy jiryevyichasara ripya daryaju sajisiy. Daryaday satuchu ruuva Judíyuedantìy dañumamuy ne riñicha ripya vichavay. ¹⁸ Crìstumusiy jìta vuryito tìtaju, dañumamuy ne Judíyueda vuñicha, varimyata sitenu Judíyueda davyuy, vuryiniy tìtaju Vujye Judenumuju vinu tìqui sitenu Suntumusiy. ¹⁹ Ramunimuy ne jiryeñicha munuñumiñuday, dantyamuy ne raruva janvay. Jiryeñicha jìta Judenu jiintyasavay tevamyidye, Judenu rorijyanvay tevamyi jarye risaju tìtaju.
²⁰ Saroriy Judenu jiryetya rincha yinsubymiy, sajù tuchuvabe jarye, nutyu jutuvu nta riñicha variy. Ninì Jesucristu sanìcha ravichu nta roriy surutyaju. ²¹ Simu jìta jiryentyeryaniy nutyu roriche variyu, rasay samiy rorijyu jiryatìy bachara Judenunijyu jachipiyajojura.
²² Daryanuma jiryentyidye, nutyunuma taroriqui tìtaju jiryevyicha nta variy, samìrya vichajo Vujye Judenuju, Suntumusintyi.

3

*Supajada Judenu nì Pávurubay ruumu jiryatimyu
 ne Judíyueda daryi*

¹ Ramuníday, Ray Pávuru, ravyicha tanuvunusi Crístu siityarisadiva, samirya jiryevyichadaju jiryatimyu ne Judíyurveda jiryedye. ² Jiryeñi tuvachodama dyetyara nutyu sasayada Judenu jivyatadamu ray, ratidye tuchu jiryivara samituchoda. ³ Vujye Judenu dityadoda daryajura datyada dutyasara, darya rañuyasiy pasidye ranchiy jiryimuju, jiryatidye datya varirya. ⁴ Jiryeñumatiy jnuý ramu rañiquejada nuchara, jiryama datya variy ramusiy nutyuramusiy radyetya radyerya Judenu niquejada day, jiryatiy dutyasara Crístunchirya. ⁵ Ne sadyanunuyada Judenu tarijyemyi nijyanvavya darya, nutyu diye sadatyanu Yintumusiryi yinsubyimiy, saju tuchuvay jarye. ⁶ Ranuma ranicha sadatyadoda, jiryatimyu ne jvadichara darya: Nijyanvajyuu jita, jiryatimyu ne Judíyurveda daryi, riñicha Judenu dadyeñurveda rusa Judíyurveda, Crístu vutera jarye, Judenu niquejada jmutyavay jarye titaju. Riñiday vicha vatajuu Jesucristumu, jiryatiy rityuvachusara samituchodamu. ⁷ Saniruyadata jicheyada Judenu ray, ratidye vicha samuchechiy savanuyadata, jiryatiy jvaachara rimura. ⁸ Dañuma rañicha tamityi Judenu jaryeti, sasayada Judenu radyerya, ratidye tuchu nijyanvavyara, jiryatimyu ne Judíyurveda daryi. Ratyuchu ruuvara samituchoda Crístunchiy, jiryatiy vuvyichasara jaryi taratavay Crístumu, jiryatimyu ne vucharanumuyadasarara. ⁹ Suteda titaju riva daryá, ratidye datyanu vijyomujache titajura sajachipiyajada, jiryatiy ravichanuyada

dutyasara tariy simu, n̄itiy j̄udejada t̄itajura.
¹⁰ S̄adityanu variy j̄ichiityarīvajyuumusirya
 t̄itaju j̄idyetyada. S̄adityanu diye riy
 nutyityuveda, nus̄vyevyeda jarye j̄iryatiy
 jarichumu vichavantyiryi. ¹¹ Sitotadeda Vuj̄ye
 J̄udenu, vuryeyada rá̄ñu Jesucristumusīy daryá,
 j̄iryatiy sabayada rajot̄adamusirya. ¹² J̄iryatiy
 v̄utyuvachu simu Jesucristu, vuryitosara simu
 J̄udenu v̄uchuvuyasadamu variy. ¹³ Ramun̄i
 rayasanta j̄irye ne j̄iryapar̄utyajayasara riva
 j̄iryatiy par̄uchariy ravyichasara j̄iryeyadaju,
 tapi j̄iryichan̄tyasadaju daryaju darya.

Cr̄istu vat̄ada

¹⁴ Ramun̄iday radasiñu Vuyntyityu Jesucristu
 jay nachoju ray. ¹⁵ J̄udenumusiñuma vuryimutya
 t̄itajudarya vuryitya day, nuñi tevajyuu, muy
 jarichuvimu, daryatiy j̄iyu mucadimuntiy.
¹⁶ Rajechiñ̄uy j̄iryeyadaju savan̄tyaniy J̄udenu
 jivyan̄yadata j̄irye, j̄iryatiy sas̄ay Yintumusīy
 j̄iryejechiy van̄utyadajura. Jaryi vanda
 vijyomu van̄yadati daryaju dañi J̄udenu
 day. ¹⁷ Rajechiñ̄uy satidye vichasara Cr̄istu
 j̄iryejechimyu, j̄iryetyuvachodamusiy, j̄iryatiy
 j̄iryevyicha vase jachipiyavay savat̄adamuju
 nutyu nutasara, rajuura j̄nutijyuūtara, varimyata
 nutyu jutuvu surra jusityasará. ¹⁸ Rajechiñ̄uy
 siva ramusiñuma j̄iryadatya rusaju t̄itaju
 J̄udenuju j̄iintyasavarya savat̄ada, j̄iryatiy jaryi
 vojotara darya, j̄iryatiy jaryi jamucantirya,
 j̄iryatiy jaryi navajyuntirya, j̄iryatiy jaryi
 nicharicharajuntirya. ¹⁹ Rajechiñ̄uy j̄iryadatyara
 Cr̄istu vat̄ada j̄iryatimyu ne v̄udyetyamuyadasara

darya, jiryatidye vichasara títaju daryá nutyu Judenu vichasara daryá, jiryatiy savichasara miryaní jiryimu.

²⁰ Diye vanda rāchasara títaju saju, nítíy datya jvaayada jaryivyajura rajaura ranchaju vujechiñyada jiyadaju, varimyata vujechipiyajada jiyadajuntiy. Darya vandanuma rāchasara variy sajuntidye, nítíy datya jmutyada jivyanuyadata davyuy. ²¹ Saju jita racha vanda, sasiityarivajyuumusiy, Jesucristumusiy jarye, junare saraju títaju. Dañuma rachajayasara jasiy daryá.

4

Vuryecha vatajuu Judenu Jnutumusiy

¹ Rayasanta jita jirye, ray jiryatiy ravyichasara tanuvunusi Vuyntyityu jiyadaju, ritay títaju jiryivara: Daryanuma jiryavichajayasara sanijyu Judenu, daryatiy jiryeñuma rañicha títaju Judenu jaryetasavamyi.

² Samiy jachipiyajadatavay jiryecha, samirya jachityavay jarye, jiryatiy jiryechiniy jivyatadamu nuñi jiryedyeyu.

³ Parucharimyusiy jiryeryiryira vatajuu Judenu Jnutumu vichada, jiryatiy jiryevyichasara samirya nuñivajyuu yisa. ⁴ Jiryecha nutyu tiqui nta Crístumu variy, daryadantiy tiqui Jnututavantiy jiryatiy sanatuyada taraqui nutuyadata jirye. ⁵ Vinu niní sanicha tiqui Vuyntyityu, daryaday taraqui tuvachoda simuntiy, daryaday varintyirya taraqui jityuyadantiy. ⁶ Savichasara vinu tiqui Vuryindenu, vinu nī vichasara Vujye

vujyū. Nīnī vichasara rancha tītaju, savichasara ranube tītajūntiy, savichasara ramu tītaju risaju.

⁷ Nuñi tiquimusi vuryimutyara sasaryá jiryatīy vuryeyarūrya darya, daryatīy sasaryūyada Crīstu davyūy. ⁸ Darya sūteda Davyībe sanchiy:

Sasubedanumatīy jīta navajyū, sayatāda rīy tanuvūnusavajyūu yīsaju, sasayada variy nijyanvarya jiyarūrya.

⁹ Jiryatīy sūteda Davyībe: Sasubeda, vūdyetya ranchiy jiryatīy sumusada munatya mucadijarijyū. ¹⁰ Nīday Jesús jmusadantīy,

nīday jasubeda rivasīy varintyī, jaryī navay jarichuvimujūntiy, satīdye mūchanīy jīdyetyadata tītajura tara. ¹¹ Sasayada datyada rīy tavay, rīryatīdye vīcha variy nusūvyē, tavay jīta sūtedamu tūchuvay rusaju, tavantyi saniquejada tūchūsavajyū, tavantyi sasiītyarīvajyūu jnūtyadaju, tavantyi datyanuvajyū, Jūdenū niquejada datyadodaju. ¹²⁻¹³ Daryamusiñīday sūdutyada Jūdenū rīy jījeryetavay ruvaayada jījū, rīryatīdye vanūtyanīrya Crīstuvū, tītaju sasiītyarīvajyūumusi, jasīcharajūtiy vuryitō mityījī jachīpiyajadaju sīsā Crīstu, vūtyuvachodamu, vūdyetyadamu jaryē,

jasīcharajūnuma vuryēcha samīy jamyī, jiryatīy vūcheryeryūrya Crīstu jāvyēda. ¹⁴ Ne vuryēcha variy nūtyu deramīy nta nuday, jiryatīy rīryanumītya vanīra darya jījēchīpiyajada day, rūtātāyanumatīy nijyanvarya tājī datyadoda. Rījetyarūy tājījyura vūjēchīpiyajada nūtyu rīyerya, varīmīyata rīīcho jatyarī tājījyura vūcyartye. Jasiy daryaju rīy nijyanvay rītyī quīvūchunāya vācha datyadodamusīy

jirye, jiryatij riryanumityaruy tajiyyura jiryejechipiyajada nupocudi núquiivaju daryaju.

¹⁵ Vuryanique jitara samiy niquejada vuvyatadamuju. Vuryama javye titajumu sanachojú Crístu, nitij vichasara vuryino.

¹⁶ Simusiñi jita jiryinuy vuvyichasara nutyu savu nta, titaju jiryatij vuchiityarisanani. Vuvyichasara mityijijyuu sisa, nutyunuma rupanichara nta ravichasara vujyuu titaju saniy Crístu, daryanuma sabayada Judenu darya. Rajotanumatiy jvaayada samirya nuñi Crístu vutera, rajavye savu variy, vuvyanutyasara variy vuvyatadamusivyuy.

Vadi jnyada Crístumu

¹⁷ Jirya jita ritay jiryiva; ratyuchu Vuyntyityu jtedamura: Ne jiryavichasara nutyu munuñumiñuday, rivyichasara daryaju jidyirya jachipiyajadamusiy. ¹⁸ Rivyichasara nupocunubesi jachipiyavay, Judenu jnyadamusiy jiintyasavay, jiryatij datyisamiy daryaju daryi, jaryi surra daryajura rijechiy rajisiy. ¹⁹ Jiryatimyu ne ridyetyara janada nundye, ribemyara jivyichada riryatidye vichasara cadnavedacanumiy, riryatidye jvaarya vacha jvaayada jaryi. ²⁰⁻²¹ Jirye jita datyadani Crístu darya vichadajisidye, jiryetyi tuvachodara sitenu niquejada, jiryatij ridyetyadoda jiryerya, darya ravichasara sitenu Jesúsnu day. ²² Jiryajatya jiryejechimyusirya tariy jiryevyichada, jiryatij jiryevyichasara jarapuvye ramu, vacha niruvye jiryatij quivuchodata riñirutyaniy jiryerya. ²³⁻²⁴ Jiryechasij vadivay

yintumu, jiryejechimyu jarye, jiryama jachu yiva nĩ vadi niyyami, jiryatĩy jũdesĩ dañĩ, nũtyu Jũdenũ daryá, jiryatĩy vase bachĩ dañĩ, Jũdenũju jaryetasi daryaju dañĩ.

Nũtyuramusiy vũryi vichasara vadi jnuyadamu, nũtyuramusiy

²⁵ Ramunĩ jiryajatyá yajisiryá quivũyada, jiryatĩdye niquera sũtenu niquejada nuñĩ jityuunu vichavatya, tapi vũvyichanuma nũtyu Crĩstu vũtera tĩtajũ. ²⁶ Jiryatĩy nique, ne jiryajuuchuvay variy, dantyamũy ne jiryasurũtyaniryá jiryeñiqueyada jidyẽ saraju. ²⁷ Ne jiryabáy vidavijo bayantu nũtyityũjijũ jiryejechimyu.

²⁸ Nĩtiy vichanũyada paranunĩ, sama parũy riva paradoda, sama jvaay jijyomututara samiryá jvaayada, satĩdye say tara nĩ jantyuyani.

²⁹ Ne rasiptyatachara nicyaray niquejada jiryĩtosiñũday, vinu samiy niquejada, vuryatĩdye vanũtyaniy riy vũtyevamyi ramusiy, riryatĩdye jmutyá ramusiryá Jũdenũ jmutyáda. ³⁰ Ne jiryayĩvatyaniñĩ Jũdenũ Jnutu, sabayada Jũdenũ daryaju nĩ Yintu jiryiva, satĩdye pũchĩy tamitya rundamu yisaju variy jirye. ³¹ Jiryánũma parũy tĩtajũ riva jaryi niqueyada, japichiy niqueyada, niqueyadamusiy sañeyajada, javityiyeyada, tĩtajũ nicyaray jvaayada, nicyaray jachipiyajada jarye tĩtajũ risaju. ³² Jiryẽcha samiryá jachityavay jiryisá, jantyutyavay jarye, jiryantya ramityanintyidyeryá jijyuuchũveda yivantĩdye, nũtyu Jũdenũ ramityadeda jiryivara jijyuuchũveda Crĩstumusiy.

5

Nutyuramusiy riryi vichasara Jüdenu dadyeñumiy

¹ Ramuni jiryecha Jüdenu jantyavay jiryatij jiryenicha sadadyeñu jaryi vatasavay. ² Jiryama vichasara jaryi vatadamu, daryatij savatada Cristu daryá vuy, sasayada variyu, satidye batye vuryeyadaju. Suntatyada parucharimysiy Jüdenumujuyu, jiryatij sumutyajada Jüdenura suntatyada, nutyu vurudi jaryi jurura saju. ³ Jiryetyi rañicha Jüdenu vichadamu, ne jiryanique cadnavedanchiñundy, dantyamuy ne vacha jvaayadanchiy, dantyamuy ne jaryi tara canuyadacanuminchiy, tapi ratatij jiryajarupanu variñi ti. ⁴ Daryantyamuy ne jiryaniquera nicyaray niquejada, datyisadamu niquejada, jamiryamu niquejada jarye, mitya. Jiryanique jitara niquejada ratatij jiryichanatyada ni Jüdenu. ⁵ Jiryadatya samiy daryajura jirya: Nitij vichasara cadnavu, varimyata vaturuy cadnatoda, varimyata vacha jvaarya, varimyata tara sachara canuyadacanu, jiryatij sasiityari Jüdenu jiyasachirya tara, ne sajmutyasara mityara jiyarurya Cristu nusujyomu, jasityi sansuchara Jüdenu ni. ⁶ Ne jiryaquivuchutaniy mitya niquejadatayu, tapi darya jvaayadacosiy rajti Jüdenu niqueyada jaryi riyaroju rityimyu ne tuvachuruy simu. ⁷ Ramunimuy ne jiryecha rusa rupivye darya vichadamu. ⁸ Tariñuma jirye vichanuyada nupocudinube, diye jita jiryevyichasara Vuyntyityumusiy vandamu. Jiryavichasara

samirya nūtyu Jūdenu dadyeñumiy. ⁹ Vandamu rupiyadamusiy runday tītaju jiryatīy samiryara, jiryatīy vase jaryera, jiryatīy sītenu jarye risajura. ¹⁰ Jiryama jantya jvaayadara jiryatīy samirya Jūdenu diya darya. ¹¹ Ne jiryajvaay mityiji rusa rityi jvaay nupocudinubera jiryatīmyu ne samirya Jūdenu diya darya. Jiryasipyata jīta nupocudinubesirya vācha jvaayada, nonomuju. ¹² Jadasara jītara vuñiquejada ranchiy jiryatīy ruvaachara dutyadamusirya. ¹³ Tītaju sipyataranumatīy vandamuju darya, ramacho tītaju vandamu variy. ¹⁴ Tītaju jvadicharanuma nonodamu darya. Ramunītiy rutay variy:

Yanuma jidyō mayadacanu, yanuma misasumiy diibymiy cabyimusiy, sanónonúy Crístu variy yiva.

¹⁵ Ramunīday, jiryīnūtyatata samirya jiryevyichada. Ne jiryechasara datyisamīy, jiryecha jīta datyavay. ¹⁶ Jiryedyetyatata samīy ramityadara jiryevyichada jiyu, jiryatīy nicyaray vichada daryaju diye. ¹⁷ Ne jiryecha datyisamīy nundye, jiryama datyara Vuyntyityu nīruyada. ¹⁸ Ne jiryaniyūñday, jiryatīy jarapūchara daryaju darya. Jiryama vichasara muchanichavay Jūdenu jnutumusiy. ¹⁹ Jiryāniqueta nuñi vajyuu murrayadatayu, jiryatīy vūmyurray Jūdenunijyu Sūntumusiy. Jiryāmurrachara tītaju jījechitya jiryatīdye jchanatya ratanī Vuyntyityu variy. ²⁰ Jiryajchanatyajayanī Vujye Jūdenu tītaju riva jiryatīy samirya darya, rivantiy jiryatīy ne samirya ranīchantiy, Vuyntyityu Jesucrístu

jtyamu jiryajchanatya variñi.

Nutyura saryi vichasara Judenu siityarinu jiry-orimyu, nutyura

²¹ Jiryatuvachu nuñi tiquimusi yimu, jiryatiy jiryechuvuñi Crístu. ²²⁻²³ Vatuy, jiryatuvachu jaryi ruumu jivyaduy, nutyu Vuyntyityumu vutyuvachu daryantiy, tapi sabayada Judenu ni vanu nutyu nutyityu savaturaju, daryani savicha Crístu jichiityarivajyuu nutyityuntiy, jiryatiy riyada ráñuni. Nini vicha nutyu runo, riy jita nutyu savu nta varidye. ²⁴ Nutyu Crístu siityarivay tuvachusara yimu, daryani riryatuvachusara vatuy ruumu jivyaduntidy.

²⁵⁻²⁶ Vadumyijerye ravatasara jaryiñada jivyaturuy, nutyu Crístutiy vatanuyada darya riy jichiityarivajyuu, sabatyeda variy riyadaju, jiñiruyadamu, satidye jiintya variy jijyu daryi, jiryatiy sapuyada daryaju ruovasirya jijyuuchaveda, jiryatiy riityuyada Judenu niquejadamu tuvachuvay jaamu.

²⁷ Sivaayada daryá satidye jnutatya yimuju riy, jaryi vandamu vichavay, ne riryecha vatajo tavay, dantyamuy ne tara nicyaray bayasara riñijyu, dantyamuy ne nicyaratyavay, mitya. Savata riryecha jiintyevye jijyu, ne javatyasavay, mitya.

²⁸ Nutyu vaduy jantyutyara jivyu, saniruy jaryiyu, daryaday saryi jantyutya nada jivyaturuntiy, saryi niruy jaryi nadantidye. Tapi nitiy vata nada jivyaturuy, savata variy daryantidyeyu. ²⁹ Ne ti javittyurya jivyu; sapotyaniy jitayu, daryatiy sunutya Crístu riy jichiityarivajyuuntiy jiryatiy

vuryitay savu daryi. ³⁰ Vuy jarye vichasara savutera variy. ³¹ Darya suteda:

Ramuni, satochiy vanuni jijye, sunoda jarye, satidye jamuy jivyaturaju variy, danujumyusiy nanachasara nutyu tiqui variy.

³² Jirya jita jaryi tittasara datyanusara daryaju darya, jiryatiy dutyasara ravichanuyada. Raniday suteda Judenu Crístunijyu, sasiit-yarivajyuu nijyu jarye. ³³ Darya ritesiy jiryejyuntidyerya jirya niquejadantidye: Nuñi tiqui vanu ravata nada jivyaturuy nutyu savata jaryintyidyeyu, daryaday vatujyuntiy, riryabay samirya riy jivyaduy.

6

Nutyuramusiy riryecha deramiy jijyemyitya Crístumu, nutyuramusiy

¹ Deramiy, jiryama tuvachu ruumu jijyemyi, Vuyntyityumu, jiryatiy vase vichasara daryaju darya. ² Darya suteda Judenu:

Vuryajnuuy samiy nanunacho vuryinoda, vujyeñecho jarye.

Sabayada jirya niquejadatara ruventiy, vuryatidye datyasarara nutyu racha rijyu rityi tuvachusara ramu. ³ Suteda jadchintiy:

Vuryajnuuy samiy nanunacho vujyejyuy, vuryatidye jnujeyasara samiy jamuca jirya mucadimu.

⁴ Deramiy jamyintiy, ne jiryaniquettaniriyi jidyedyeñu, jiryama javyechu Vuyntyityu vasedodamu riy, sadatyadodamuju.

*Nutyuramusiy riryecha muchechimiyi
jipyatrumitya Crístumu, nutyuramusiy*

⁵ Cumudemintyi, jiryama tuvachu simu jipyatru. Jiryajvaay jichuvuyadamu, jiryemyichutyedamu nta jarye risaju, darya ntanuma jiryeñi jvaay taraqui jachipiyajadata Crístunijyu variy. ⁶ Ne jiryajvaay vinu satidye jachipiya jiryepyatru samiy jvadichavay variy jirye. Daryatyi Crístu cumudemidye jiryeñichantyi, jiryama jvaay jijechityara Judenu vatara. ⁷ Jiryajvaay samiy jachipiyajadatara nutyu Vuyntyityuju, ne nutyu nijyamiju day. ⁸ Jiryedyetyama daryaju darya: Sajmutya nuñi tiquirea samiy yivaayada murichirya. Daryani sajmutya Judenumusintyirya, dañuma sanicha cumude, varimyatamuy ne sanicha cumude.

*Nutyuramusiy riryecha patrumiy
jimyuhechimiyta Crístumu, nutyuramusiy*

⁹ Patrumintyi, jiryama bachara samiryi jicyumudemiy. Jiryama paruy riva jasuyeyada niquejadata riy, jiryajachipityaja variñi jiryatyi savichasara tiqui Vuyntyityu jarichumu, nitimyu ne datya javiryutyada ti.

*Judenu siityarivay jvatya ratatyi ruvachara riy
bayantuveda*

¹⁰ Parichemyusiy jita, ratyeryiveda, vuryama vanutya Vuyntyityumu vuy, jaryi savanuyada jmutyadata. ¹¹⁻¹² Vuryama jachu vuryivara Judenumusirya bayantu jatyata, vuryatidye vanutya bayantu nutyityu quivuchoda jidchoju vuy, jiryatimyu ne vuñiquechara nijyanvay savityavay jiyaroju, dantyamuy ne nudatavay

jiyarōjū. Vuñiquechara jīta riyarōjū nutyityūveda day, nusūvyevyeda jarye, rityi nusūchara jirya mucadimu nupocudinube, rityi vichasara riicho janvay, jarichumu vichavay bayantuveda nicyaramyi. ¹³ Ramuniday vuryajmutya vuryimujura Judenumusirya bayantu jatyata tītajū, vuryatidye vanūtya parūchariy rundamu vuy; vuñumatiy vuunu variryi, vuryamāchosara canavye varyi. ¹⁴ Vuryama radesiy nutyu puchusara nta vūcyadnumu Judenu niquejadata. Vuryajachu vūdyutuuvyara vūdyutuujyo, jiryatīy Judenumusiy vase vichada darya. ¹⁵ Vuryajachu vuñumutuvantirya nutyu saapātuntiy ratatīy vuryajdutyā samitūchoda tūchunumayajadajū vuy. ¹⁶ Jadchīy jīta vuryajmutyāntirya vuryamityātantiy jiryatīy vuryītay Judenumu tuvachoda darya, ratatīy vuryajmutya tītajura bayantu nutyityū ruve, jiryatīy saduu jīdatya vuñechojura. ¹⁷ Vuryajmutya vuryinocojura Judenu jmutyadantiy, vuryajirintyirya Judenu niquejadantiy, jiryatīy Judenu Jnutu jchityitya darya. ¹⁸ Ne vuryaparuy riva Judenujsa tūchoda, vuryajiyasantajaya jachiñuyada nī, Sūntumusiy datyadodamujū. Vuryantya vichasara vanīravay, vuryatidye jdutyā tara jidchojū vuy, ne vuryaparutya riva vuy. Vuryatūchujayasara sisa Judenu, tītajū sasiityarivajyuu jiyadajū. ¹⁹ Jiryatūchu sisa Judenu rayadajuntidye, ratidye nique vijyomujache rītosirya samitūchodantidye, jiryatīy dutyasara ravichanuyada, ratidye tūchu rachuvuyasadamura jiryatīy sanique Judenu rimusidyerya. ²⁰ Ravyicha Judenujū

túchu tanuvunujuvimu. Ramuní rañiqueruy
rachuvuyasadamu, daryatiy savata ranique jijyu.

Samuchuveda Pávurubay tamitya riy

²¹ Jiryatidye datya raynchiy, nutyura rañicha,
Tíquicu ratuchu jiryivara titaju ravyichada,
rivaayada jarye. Niní jita vutyeryi jaryi vatasí,
samiy jmutyara varidyeñi, jiryatiy sivaachara
samiy Vuyntyityumu darya. ²² Ripa jiryimujuni,
satidye datyatanirya tuchoda raynchiy, ne
jiryajachipiya tajijyu jijechemyu variy.

²³ Riryecha sami vutyeryiveda Vujye
Judenu vatadamu, sunuchodamu jarye
jiryatiy sunuchusara jivyatadamu Vuyntyityu
Jesucristumusidyevyuy. ²⁴ Sasachara sami
vichasada riy titaju jiryatiy vuvyatajayasarani
Vuyntyityu Jesucristu, ne baryijasara
vatadamuju.

Sayanuma Pávuru

Judenu jto nijyanvamyu New Testament in Yagua (PE:yad:Yagua)

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yagua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022

741209ce-3bea-5617-a721-dc112d0873cd